



# Icyegeranyo cy'amakuru y'imikino yaranze icyumweru

2023

Taliki 13– 15 Ukwakira



P.1 Cricket : Nigeria yegukanye irushanwa "West Africa T20I Trophy 2023"

## Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

## Ibirimo

- P1 **Cricket**: Nigeria yegukanye irushanwa "West Africa T20I Trophy 2023"
- P1 **Football**: Habaye imikino y'umunsi wa kabiri muri shampiyona yAbagore
- P2 **Kung Fu Wushu**: Habaye ijonjora ry'umunsi wa kabiri wa shampiyona
- P2 **Cycling**: Habaye umunsi wa kane wa "Rwanda Youth Racing Cup 2023"
- P3 **Football**: Habaye imikino y'umunsi wa 7 wa shampiyona
- P3 **Volleyball**: APR VC na RRA VC zegukanye "Nyerere Cup 2023"

## Cricket : Nigeria yegukanye irushanwa "West Africa T20I Trophy 2023"

Kuva taliki 04 kugeza 15 Ukwakira 2023 i Lagos muri Nigeria habereye irushanwa mpuzamahanga mu mukino wa Cricket mu bagabo "West Africa T20I Trophy 2023".

Iri rushanwa ryabereye TBS Cricket Oval ryari ryitabiriwe n'ibihugu 4 ari byo Nigeria, Ghana, Sierra Leone n'u Rwanda.

Aya makipe yakinnye hagati yayo aho buri kipe yakinnye n'indi imikino 3 hanyuma birangira ikipe ya Nigeria itsinze imikino yose isoza ifite amanota 18, ikipe y'u Rwanda iba iya kabiri n'amanota 8, Ghana iba iya gatatu nayo n'amanota 8 naho Sierra Leone iba iya 4 n'amanota 2.

Mu gusoza irushanwa, ikipe ya Nigeria yakinnye umukino wa nyuma n'u Rwanda maze Nigeria yitwara neza itsinda u Rwanda ku kinyuranyo cy'amanota 17.

Muri uyu mukino, ikipe ya Nigeria ni yo yatangiye ikubita agapira ishaka amanota "Batting" aho yakoze amanota 103 mu dupira 120 (20 Overs), abakinnyi 7 basohorwa mu kibuga.

Mu gice cya kabiri, ikipe y'u Rwanda yasabwaga amanota 104 yatangiye gukupita agapira "Batting" maze mu dupira 120 (20 Overs) ikora amanota 86 mu gihe abakinnyi 8 basohowe mu kibuga.

Mu guhatanira umwanya wa 3, ikipe ya Sierra Leone yatsinze Ghana ku kinyuranyo cy'amanota 6.



## Football : Habaye imikino y'umunsi wa kabiri muri shampiyona y'Abagore

Taliki 14 na 15 Ukwakira 2023 habaye imikino y'umunsi wa kabiri muri shampiyona y'icyiciro cya mbere mu mupira w'amaguru mu bagore. Bitezanyijwe ko imikino y'umunsi wa gatatu izaba taliki 21 Ukwakira 2023.

### Uko imikino yagenze

#### Taliki 14-10-2023

- Rambura FC 0 -3 Inyemera FC
- Gakenke FC 0 -1 Kamonyi FC
- Rayon Sports 1-1 AS Kigali
- IPM FC 0-1 Bugesera FC
- Indahangarwa FC 1-1 ES Mutunda FC

#### Taliki 15-10-2023

- Fatima FC 0 -1 APAER FC



## Kung Fu Wushu : Habaye ijonjora ry'umunsi wa kabiri wa shampiyona

Taliki 15 Ukwakira 2023 mu kigo cy'urubyiruko giherereye mu Karere ka Rubavu "Vision Jeunesse Nouvelle" habereye ijonjora ry'umunsi wa kabiri muri shampiyona y'igihugu mu mukino njiyarugamba wa Kung Fu Wushu "Rwanda Kungu Fu Wushu Championship 2023".

Iri rushanwa ryahuje amakipe 3 yo mu Ntara y'Uburengerazuba ari yo Rubavu Kungu Fu Wushu Club, Mahoko Kungu Fu Wushu Club, Ryabizijye Kungu Fu Wushu Club.

Abakinnyi 17 bitabiriye bahatanye mu byiciro bibiri ari byo byo kurwana "Sanda" ndetse no kwiyereka "Taolu".

Mu kwiyereka "Taolu" hatoranyije abakinnyi 5 naho muri "Sanda" hatoranywa 4 bose bakaba bari mu cyiciro cy'abagabo.

Taliki ya 22 Ukwakira 2023 aya marushanwa azakomereza mu Ntara y'Amajyepfo mu Karere ka Muhanga.



## Cycling : Habaye umunsi wa kane wa "Rwanda Youth Racing Cup 2023"

Taliki 15 Ukwakira 2023 muri "Field of Dreams" mu Karere ka Bugesera habereye umunsi wa kane wa shampiyona y'abakiri bato "Rwanda Youth Racing Cup 2023". Iri siganwa "Rwanda Youth Racing Cup 2023" ritegurwa n'ishyirahamwe ry'umukino w'amagare mu Rwanda "FERWACY" rihuza abana bari hagati y'imyaka 12 na 19.

### Uko isiganwa ryagenze

- Boys U-13 (7,2 km)

1. Ishimwe Sano Prince 15'52"
2. Sano Francis 18'41"
3. Uwhirwe Samuel 19'03"

- Boys U-15 (7,2 km)

1. Shema Emmanuel 15'52"
2. Gisubizo Issa 16'45"
3. Habumuremyi Cyusa 17'05"

- Boys U-17

1. Ntirenganya Moise
2. Ntirenganya Lambert
3. Kwizera Thank You

- Boys U-19

1. Nshutiraguma Kevin
2. Tugemintwaza Jean
3. Ufitimana Shadrack

- Girls U-13 (7,2 km)

1. Uwamahoro Francoise 17'06"
2. Johovayire Lisa 21'04"
3. Nirere Liliane 26'15"

- Girls U-15 ( 7,2 km)

1. Ishimwe Cynthia 18'20"
2. Nyirabarame Akelyne 18'31"
3. Niyomukiza Claudine 18'38"

- Girls U-17 (14,4 km)

1. Masengesho Yvonne 17'05"
2. Niyokwizerwa Clementine 18'01"
3. Ishimwe Fanny 18'43"

- Girls U-19

1. Iragena Charlotte
2. Byukusenge Mariata
3. Ingabire Domina



## Football: Habaye imikino y'umunsi wa 7 wa shampiyona

Taliki 13 kugeza 15 Ukwakira 2023 habaye imikino y'umunsi wa 7 wa shampiyona y'icyiciro cya mbere mu mupira w'amaguru mu bagabo. Imikino y'umunsi wa 8 biteganyijwe ko izaba taliki 20 kugeza 22 Ukwakira 2023.

### Uko imikino yagenze

#### Taliki 13-10-2023

- APR FC 1-0 Mukura

#### Taliki 14-10-2023

- Sunrise FC 0-1 Etincelles FC
- Gasogi United 0-1 Amagaju FC
- Bugesera FC 2-2 Gorilla FC
- Kiyovu 2-1 Marines FC

#### Taliki 15-10-2023

- Musanze FC 1-0 Rayon Sports
- Etoile de l'Est 0-1 Muhazi United
- AS Kigali 0-1 Police FC

### Urutonde rwa shampiyona 2023-2024

Umwanya	Ikipe	Imikino	Amanota
1	Musanze FC	7	16
2	APR FC	6	14
3	Amagaju FC	7	13
4	Kiyovu	7	12
5	Police FC	6	10
6	Rayon Sports	6	09
7	Mukura	7	09
8	Bugesera FC	7	08
9	Gasogi United	7	08
10	AS Kigali	7	08
11	Etincelles FC	7	07
12	Gorilla FC	7	06
13	Marines FC	7	06
14	Etoile de l'Est	7	06
15	Sunrise FC	6	06
16	Muhazi United	7	06



## Volleyball: APR VC na RRA VC zegukanye "Nyerere Cup 2023"

Kuva taliki 10 kugeza 14 Ukwakira 2023 i Moshi-Kilimanjalo muri Tanzania habereye irushanwa mpuzamahanga mu mukino wa Volleyball ryo kwibuka Mwalimu Julius Kambarage Nyerere wabaye Perezida wa mbere wa Tanzania "Nyerere Cup 2023".

Iri rushanwa ryegukanwe n'ikipe ya APR VC mu bagabo ndetse na RRA VC mu bagore zose zo mu Rwanda.

Mu bagabo hari hitabiriye amakipe 9 aho yari yashyizwe mu matsinda abiri, itsinda A ryari rigizwe na APR VC (Rwanda), Pentagon, KADCO na Jeshi Stars (Tanzania) naho itsinda B rigizwe na Police VC (Rwanda), Mipango, Magereza, Kilimagnet (Tanzania) na Rukinzo VC (Burundi).

Ikipe ya APR VC yitwaye neza yegukana igikombe itsinze ku mukino wa nyuma ikipe ya Rukinzo VC y'i Burundi amaseti 3-1 (25-16, 20-25, 25-23 na 25-23). Ikipe ya Police VC ni yo yegukanye umwanya wa 3 itsinze Magereza VC amaseti 3-1 (25-17, 25-15 na 25-14).

Iyi kipe ya APR VC yari yageze ku mukino wa nyuma isezereye Magereza VC muri  $\frac{1}{2}$  iyitsinze amaseti 3-1 naho Rukinzo VC isezerera Police VC ku maseti 3-1.

Mu bagore hari amakipe 5 ari yo APR VC, RRA VC (Rwanda), Magereza, Jeshi Stars na Orkeeswa (Tanzania). Aya makipe yakinnye hagati yayo hanyuma amakipe 4 ya mbere akina imikino ya  $\frac{1}{2}$ . Ikipe ya APR VC na RRA VC zo mu Rwanda zahuriye ku mukino wa nyuma maze RRA VC yitwara neza itsinda APR VC amaseti 3-0 (25-17, 25-18 na 25-17).





Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) | @RwandaOlympic

Address: Remera-Hallmark Center Building KG 17 Ave